
50 ЙИЛДАН ОРТИҚ ДАВРДА ИЛК БОР ТАЪМИРЛАНГАН СЎХ ТУМАНИДАГИ 16-УМУМТАЪЛИМ МАКТАБИ ЗАМОНАВИЙ ШАРОИТЛАРГА ЭГА БЎЛДИ. ҚЎШИМЧАСИГА МАКТАБ ЎЙИНГОҲИГА СУНЪИЙ ЧИМ ЁТҚИЗИЛАДИГАН БЎЛДИ

Вилоят ҳокими Хайрулло Бозоров, Сўх туманида ижтимоий соҳада амалга оширилаётган ишлар билан ҳам танишиш жараёнида тумандаги капитал таъмирдан чиқарилган 16-умумтаълим мактабини ҳам бориб кўрди.

Гулхан МФЙ ҳудудида жойлашган ушбу таълим даргоҳи 50 йилдан ортиқ даврда илк бор таъмирланди. Қурилиш-таъмирлаш ишларига 900 миллион сўмга яқин маблағ сарфланди. Вилоят ҳокими ўрганиш жараёнида мактаб жамоаси билан суҳбатлашиб, замонавий мактабда таълим сифатини ҳам ошириш долзарблик касб этишини таъкидлади.

Хайрулло Бозоров, мактабда ўқувчилар учун яратилган шароитлар ҳамда дарс жараёнлари билан ҳам танишди. Вилоят раҳбари билан суҳбат чоғида ўқувчилар ҳамда педагоглар, яратиб берилган шароитлар ҳамда ўзларига бўлган юқори эътибор учун Президентимизга миннатдорчиликларини изҳор қилдилар.

Вилоят ҳокими мактаб жамоаси ҳамда маҳалла фаоллари билан суҳбат асносида кўтарилган масала доирасида мактаб ўйингоҳини ҳам кўздан кечирди. Хайрулло Бозоров, қисқа муддатда ўйингоҳга замонавий сунъий чим ётқизиш ҳамда атрофини девор билан ўраш бўйича масъулларга тегишли топшириқ берди.

Бизни ижтимоий тармоқларда кузатинг [Facebook](#),
2021-10-16 09:06:45